

F6 Aktivisto Pala Řomengê Taj Sintongê Čačimata: O Karl Stojka

Pala le marimasko agor kêdilo o Karl Stojka jek vestime austrijako bizničari. Vov lja pe, te makhêl patretur ande peskî slobodno vrjama. Ande lende síkavel vov so pecisajlo ande KZ-ura Auschwitz, Buchenwald taj Flossenbürg. O Karl Stojka sas jek angažirime aktivisto pala le Řomengê taj Sintongê čačimata ande Evropa taj trudisajlo pala priznajimos le Řomengo sar narodoskî grupa. Vov mardja pe vi pala kodja, te le Řoma taj Sinti, kaj preživisarde o holokausto, dobin kompenzacija palaj bilašimata kaj kêrde pe lende.



1950

1991

1990

💡 Žanglen tumen

...kê o Papa Johannes Paul II. primisardja le Karl Stojkas pe 'k audijencija taj anda lesko bute bêršengo angažmano dja les o titulo "Ambasadoro le Řomane Narodosko"?

✍ Tumari bući

E arta sí jek drom kata maj but droma, te prezentiril pe memorija. Roden avere artiston, save síkaven peskê bućanca e memorija pala holokausto. Presentirin jek eksempla taj den jek eksplikacija sostar losarden kodo eksempla. Sí ande tumaro them kak reprezentacijaki organizacija kata l' Řom taj Sinti? So kêrel

📷 Paj fotografija

Uljano patreto kata o Karl Stojka anda bêrš 1990. O patreto síkavel o logoro Lackenbach ando Burgenland. O patreto arakhadol ka jek privatno gazda. Dokumentationszentrum des Kulturvereins österreichischer Roma, Wien/Österreich.



<https://www.romasintigenocide.eu/kelderash/f>